

四庫全書

史部

欽定四庫全書

欽定續通志卷三百二

列傳

宋六

張美

郭守文

尹崇珂

劉廷讓

袁繼忠

崔彥進

皇甫繼明

張瓊

曹翰

楊信

明贊

党進

李漢瓊

劉遇

李懷忠

米信

田重進

劉廷翰

崔翰

張美字元珪貝州清河人少善書計初為左藏小吏以
彊幹聞三司薦奏特補內庫專知出為澶州糧料使周
世宗鎮澶淵每有求取美必曲為供給及即位召為樞
密承旨時宰相景範判三司被疾命美權判三司征淮
南留為大內部署一日方假寐忽覺心動遽驚起行視
宮城中少頃內醞署火起既有備即撲滅之俄真授三

司使世宗再幸淮上皆為大內都點檢北征又為大內都部署師還為左監門衛上將軍充宣徽北院使判三司美彊力有心計周知利病以幹敏稱世宗連歲征討糧餽不乏深委賴焉然以澶淵有所求假頗薄之美亦自愧恭帝立加檢校太傅太祖即位加檢校太尉初李筠鎮上黨募亡命漸屈彊難制美度筠必生變陰積粟於懷孟間後筠果起兵太祖親討之大軍十萬出太行經費無闕拜定國軍節度縣官市木闕中同州歲出緡

錢數十萬以假民長吏十取其一謂之率分錢歲至數百萬美獨不取乾隆五年移鎮滄州太平興國初入朝改左驍衛上將軍八年請老以本官致仕雍熙二年卒年六十八淳化初謚恭惠子守珙至供備庫使孫士宗至內殿承制士禹為崇班士安為閣門祇候士宣為禮殿副使

郭守文字國華

據東都事畧補

并州太原人父暉仕漢為護理

軍使周祖征河中戰死守文年十四居喪哀毀周祖憐

之召隸帳下廣順初補左班殿直太祖即位遷西頭供奉官蜀平選知簡州時劍外多寇守文悉招來集附從潘美征嶺南會擒劉鋹馳傳告捷遷翰林副使從曹彬等平金陵護送李煜歸闕下時煜以拒命頗自歉不欲生見太祖守文察知之因謂煜曰國家止務恢復疆土以致太平豈復有後至之責耶煜心遂安俄從黨進破并寇於團栢谷太平興國初秦州內附蕃部騷動命守文乘傳撫諭西夏悅伏三年遷西上閣門使是夏汴水

決於寧陵發宋亳丁壯塞之命守文董其役是冬又與王侁石全振護塞靈河縣決河及征太原與梁迴分護行營馬步軍會劉繼元降其弟繼文據代州依契丹之援以拒命遣守文討平之俄受詔護定州屯兵大破契丹於蒲城遷東上閤門使領澶州刺史召還擢拜內客省使雍熙二年詔守文率兵屯三交俄加領武州團練使屬夏人擾攘命守文帥師討之破夏州鹽城鎮濟囉尼等十四族又破密威族諸部相率來降凡銀麟夏三州

歸附者百二十五族萬六千餘戶西鄙遂寧五年大舉
北伐為幽州道行營前軍步軍水陸都監卒與契丹遇
為流矢所中氣色不撓督戰益急會大軍不利坐違詔
逗遛退軍左遷右屯衛大將軍事具曹彬傳明年復舊
職三月拜宣徽北院使又與田欽祚並為北面排陣
使屯鎮州端拱初改南院使鎮州路都部署又為北面
行營都部署兼鎮定高陽關兩路排陣使是冬契丹南
侵大破之唐河端拱三年十月卒年五十五贈侍中諡

忠武追封譙王守文沈厚有謀畧頗知書每朝退習書百行出言溫雅未嘗忤人意先是將臣戍邊者多致寇以邀戰功河朔諸州殆無寧歲既敗岐溝闕乃命守文以內職總兵鎮常山以經畧之守文既喪月餘中使自北邊來言守文死軍士皆流涕帝問何以得此對曰守文得祿賜悉犒勞士卒死之日家無餘財帝嗟嘆久之賜其家錢五百萬為真宗納其女為夫人即章穆皇后也子崇德至太子中舍崇信至西京左藏庫使贈福州

觀察使崇儼至崇儀使贈潤州觀察使諸司使無廢朝
贈官之例崇信崇儼咸以后兄故特示優禮崇德子承
壽至虞部員外郎天禧五年錄承壽子若水為太常寺
奉禮郎崇仁為解州團練使

尹崇珂秦州天水人後徙居大名父廷勛厯磁同滌三
州刺史崇珂初事周世宗於藩邸及即位補東西班都
知從戰高平及從征淮南皆有勞績累遷殿前都指揮
使太祖即位出為淄州刺史使有善政民詣闕請刻石頌

德太祖命殿中侍御史李穆撰文賜之討湖南為行營
前軍馬軍都指揮使荆湘平授朗州團練使又與潘美
丁德裕克郴州乾德中征嶺表為行營馬步軍副部署
克廣州擒劉張即日詔與潘美同知廣州遷保信軍節
度未幾南漢開府樂範容州都指揮使鄧存忠韶州賊
帥周思瓊春恩道都指揮使麥漢瓊等據五州之地以
叛崇珂討之太祖遣中使李神祐督戰數月盡平其黨
遷治所六年卒年四十二贈侍中子昭吉弟崇珪初太

宗在周朝娶崇珂妹追諡淑德皇后

劉延讓

按宋史本傳作字光乂考東都事畧延讓本名光毅太宗即位賜今名今據改

其先涿

州范陽人曾祖仁恭祖守文其弟守光囚父仁恭守文
舉兵討之為守光所殺延讓與其父延進避難南奔少
有膂力周祖以隸帳下廣順中從世宗征淮南領雷州
刺史再遷涪州團練使太祖即位轉江州防禦使從征
李筠為行營先鋒使建隆二年改侍衛馬軍都指揮使
領江寧軍節度乾德二年詔領兵赴潞州以備并寇興

師伐蜀為四川行營前軍兵馬副都部署率禁兵諸州兵由歸州進討張玘翰隨之入其境連破松木三會巫山等砦獲蜀將南光海袁德宏等奪戰艦二百餘艘因度南岸初夔州有鑠江為浮梁上設敵棚三重夾江列礮具玘讓等將行太祖以地圖示之指鑠江曰我軍至此沂流而上慎勿以舟師爭勝當先以步騎陸行出其不意擊之俟其勢却即以戰櫓夾攻取之必矣及師至距鑠江三十里舍舟步進頓兵白帝廟西先奪其橋復

牽舟而上監軍武守謙率所部來拒戰廷翰引兵逆擊敗之於猪頭鋪乘勝克其城守將高彥偉自焚悉如太祖計遂進克萬施開忠四州峽中郡縣悉下遂州州將陳愈率吏民來降盡出府庫金帛以給將士初出師太祖命所得郡縣當傾帑藏為朕賞戰士國家所收唯土疆爾故人皆効命所至成功蜀平時王全斌等皆坐貪黷左降惟廷讓秋毫無犯全師雄等復亂又與曹彬破之改領鎮安軍節度從征太原開寶六年出為鎮寧軍

節度太平興國二年入為右驍衛上將軍雍熙三年曹彬敗於岐溝關諸將失律多坐黜免既而契丹擾邊議遣將無愜上意者時廷讓與宋偓張永德並罷節鎮在環列帝欲令擊契丹自効乃遣分守邊郡以廷讓知雄州又徙瀛州兵馬都部署是冬契丹數萬騎來侵廷讓與戰君子館時天大寒兵士弓弩皆不能發契丹圍廷讓數重廷讓先分精兵屬李繼隆為後殿緩急為援至是繼隆退保樂壽廷讓一軍皆沒僅以數騎獲免先鋒

將賀令圖楊重進皆陷於契丹自是河朔戍兵無鬪志
又科鄉民為兵以守城未習戰鬪契丹遂長驅而入陷
深祁德數州殺官吏俘士民所在輦金帛而去博魏之
北民尤苦焉太宗聞之下哀痛之詔廷讓詣闕待罪太
宗知為李繼隆所誤不之責四年復命代張永德知雄
州兼兵馬部署以疾求歸京師不俟報廼離屯所帝怒
下御史按問獄具詔削奪在身官爵配隸商州又黜其
子如京使永德為濠州團練副使永恭為崇儀副使永和為唐

州刺史廷讓既黜快快不食行至華州卒年五十九帝錄其舊勲贈太師子永德至內殿崇班永恭至西京作坊副使永和為內殿承制永錫至崇班永保永昌永規並至閤門祇候永崇為崇班永寧及孫允忠並為閤門祇候袁繼忠其先振武人後徙并州父進仕周為階州防禦使繼忠以父任補右班殿直太祖平澤潞討并汾悉預攻戰乾德中征蜀隸大將劉廷讓麾下既克蜀知雲安軍歷嘉蜀二州監軍開寶中伐廣南及平邈供奉官護

隰州白壁關屯兵時河東拒命繼忠累入其境破三砦
遂與都巡檢郭進畧地忻代州改天平軍巡檢太宗即
位命擊梅山洞賊破之又巡遏邊部於唐龍鎮征太原
預破鷹揚軍先登陷陣契丹入代境率兵擊走之以功
遷通事舍人護高陽關屯兵與崔彥進破契丹長城口
時有勸繼忠自論其功者繼忠不答會趙保忠來朝獻
其地綏州刺史李克憲偃蹇不奉詔遣繼忠諭旨竟率
克憲入朝遷西上閤門副使詔與田仁朗率兵定河西

諸州大破西人於葭蘆川

按方輿記要延安府東北有葭蘆川夏國傳載神諤謀取

橫山遣燕達等築撫寧故城及開光嶺葭蘆川等砦宋史本傳作葭蘆州誤今據改

遷引進副使

護定州屯兵雍正二年遷西上閣門使三年大將田重

進征契丹命為定州路行營馬步軍都監領師取飛狐

下靈邱平蔚州擒其帥大鵬翼以獻事見重進傳師還

繼忠為後殿行列甚整至定州重進欲斬降卒後期至

者繼忠諭以殺降不祥皆赦免之遷判四方館事領播

州刺史護屯兵如故大將李繼隆以易州靜塞騎兵尤

曉果取隸麾下畜其妻子城中繼忠言於繼隆曰此精卒止可守城萬一敵至城中誰與捍者繼隆不從既而契丹兵至城陷卒妻子皆為所俘繼隆疑此卒怨已欲分隸諸軍繼忠曰不可但奏升其軍額優以廩給使之盡節可也從之衆皆感悅繼忠因自請以隸麾下會契丹騎大至駐唐河北諸將欲堅壁待之繼忠身先士卒辭氣慷慨衆壯之率靜塞軍摧鋒先入契丹兵大潰淳化初遷引進使護鎮定高陽關兩路屯兵三年被病召

赴闕卒年五十五繼忠長厚忠謹士大夫多與遊前後
賜賚鉅萬計悉以犒賞士卒身死之日家無餘財搢紳
稱之子用成雍熙初登進士第至太常博士

崔彥進大名人有膽畧善騎射漢乾祐中隸周祖帳下
廣順初補衛士世宗鎮澶淵令領禁兵以從征淮南及
平瓦橋關累遷東西班指揮使領昭州刺史太祖即位
征李筠為先鋒部署從平李重進改虎捷右廂建隆二
年遷侍衛步軍都指揮使領武信軍節度大舉伐蜀為

鳳州路行營前軍副都部署蜀平坐縱部下畧玉帛子女及諸不法事左遷昭化軍節度觀察留後改授彰信軍節度太平興國二年移鎮河陽四年遣將征太原分命攻城以彥進與郢州防禦使尹勲攻其東彥進督戰甚急晉陽平從征幽州又與內供奉官江守鈞率兵攻城之西北及班師詔彥進與西上閤門副使薛繼興等領兵屯關南是秋契丹侵遂城與劉廷翰崔翰等擊破之五年車駕北巡為關南都部署敗契丹於唐興口雍熙三

年命將北伐分兵三路詔彥進為幽州道行營馬步軍
水陸副都部署與曹彬米信出雄州大軍失利彥進坐
違彬節制貶右武衛上將軍事具彬傳四年授保靜軍
節度端拱元年被病召歸闕卒年六十七贈侍中彥進
頻立戰功然好聚財貨所至無善政沒後諸子爭家財
有司攝治太宗召見為決之謂左右曰此細務朕不宜
親臨但以彥進嘗任節制不欲令其子辱於父耳子懷
遵至內殿崇班懷清至崇儀副使懷遵子上賢娶鎮王

女崇安縣主懷清子從湜娶岐王女永壽縣主為西京

左藏庫副使後坐事除名

按宋史此下有張廷翰傳其征蜀時已載劉廷讓傳中別

無事蹟足錄今從刪

皇甫繼明冀州蓆人父濟汾川令繼明身長七尺善騎射以膂力聞郡中刺史張廷翰以隸左右薦於太祖補殿前指揮使歷左右番押班都知太平興國七年坐秦王廷美事出為汝州馬步軍都指揮使雍熙二年召入為馬步軍副都軍頭田重進北征繼明為前鋒加馬步

軍都軍頭端拱二年轉龍神衛四廂都指揮使領羅州防禦使副高瓊為并州部署淳化二年又副范廷召為平虜橋砦兵馬都部署改高陽關部署至道元年改領洋州觀察使充環慶路馬步軍都部署繼明御下嚴肅士卒頗畏懼之二年受詔護送輜重赴靈州繼明已先約靈州部署田紹斌率軍迎援適被病裨將白守榮請率兵先往繼明宿將慮守榮等輕佻與敵接戰曰我疾少間遂雙鑠被甲上馬強行至清遠軍卒年六十三詔

贈彰武軍節度子懷信為供奉官

張瓊大名館陶人少有勇力善射隸太祖帳下周顯德中太祖從世宗南征擊十八里灘砦為戰艦所圍一人甲盾鼓譟而前衆莫敢當太祖命瓊射之一發而踣淮人遂却及攻壽春太祖乘皮船入城濠城上弓弩遽發矢大如椽瓊亟以身蔽太祖矢中瓊股死而復蘇鏃著髀骨堅不可拔瓊索杯酒滿飲破骨出之血流數升神色自若太祖壯之及即位擢典禁軍累遷內外馬步軍

都軍頭領愛州刺史太宗自殿前都虞候尹開封太祖
曰殿前衛士如狼虎者不啻萬人非瓊不能統制即命
瓊代為都虞候遷嘉州防禦使瓊性暴無機多所凌轢
時史珪石漢卿方用事瓊輕侮之目為巫媼二人銜之
發瓊擅乘官馬納李筠隸僕畜部曲百餘人恣作威福
禁軍皆懼又誣毀太宗為殿前都虞候時事召訊瓊瓊
不伏太祖怒令擊之漢卿即奮鐵撾亂下氣垂絕曳出
遂下御史案鞠之瓊知不免解所繫帶以遺母獄具賜

死太祖旋聞家無餘財止有僕三人甚悔之因責漢卿
曰汝言瓊有僕百人今何在漢卿曰瓊所養者一敵百
耳太祖優恤其家以其子尚幼乃擢其兄進為龍捷副
指揮使

曹翰大名人少為郡小吏好使氣陵人不為鄉里所譽
漢初周祖鎮鄴與語奇之以隸世宗帳下世宗鎮澶淵
署為牙校入尹開府留翰在鎮會周祖寢疾翰不俟召
歸見世宗密謂曰主上不豫王為冢嗣不侍醫藥而決

事於外廷失天下望世宗悟即入侍以府事屬翰總決
及世宗即位補供奉官從征高平參豫謀畫尋遷樞密
承旨世宗征淮南留鎧甲千數在正陽既而得降卒八
百部送歸京師時翰適從京師來詣過正陽十數里許
遇之慮劫兵器為叛矯殺之及見世宗具言其事世宗
不悅翰曰賊以困歸我非心服也所得器甲盡在正陽
苟為所劫是復生一淮南矣因不之罪從征瓦橋關會
班師留知雄州世宗大漸諭范質等以王著為相翰為

宣徽使質以著嗜酒翰飾詐而專並寢之改德州刺史

太祖即位從征澤潞還改濟州刺史乾德二年征蜀移刺

均州

按隆平集載乾德中伐蜀以翰帥荆襄又詔兼漕運是翰非僅刺均州也

澗谷深除翰

令鑿石通道師旋以濟詔兼西南諸州轉運使自石門

徑趨歸州餉運不乏由夔萬入會王全斌軍成都以平

時全師雄擁衆十萬餘據郾縣叛未幾軍校呂翰殺武

懷節據嘉州以叛均率兵會曹彬等討平之師還遷蔡州

團練使開寶中河決澶州令翰董其役復決陽武再護

後皆有成績將征江南命翰率兵先赴荆南改行營先

鋒使進克池州金陵平江州軍校胡德

按宋史太祖本紀開寶九年夏

曹翰拔江州屠之擒牙校宋德明胡則

牙將宋德明據城拒命翰率兵攻

之凡五月而陷屠城無噍類殺兵八百所畧金帛以億

萬計偽言欲致廬山東林寺鐵羅漢像五百頭於京師

因調巨艦百艘載所得以歸遷桂州觀察使判潁州太

平興國四年從征太原為攻城南面都部署與崔彥進

李漢瓊劉遇三節度分部攻城翰攻東北劉遇堅欲易

之數日不決上慮諸將不協遣諭翰曰卿智勇無雙西北面非卿不能當也翰乃奉詔築土山瞰城中數日而就繼元甚恐軍中乏水城西十餘里谷中有娘子廟翰往禱之穿渠得水人馬以給又從征幽州率所部攻城東南隅掘士卒得蟹以獻翰謂諸將曰蟹水物而陸居失所也且多足彼援將至不可進拔之象况蟹者解也其班師乎已而果驗五年從幸大名拜威塞軍節度仍判潁州復命為幽州行營都部署詔督役開南河自雄達

莫以通漕運議築大隄捍之翰遣徒數萬伐巨木於敵境遣騎五授五色旗為斥候前遇邛陵水澤寇賊烟火則各舉其旗以為應又起烽燧於境上敵疑不敢近塞得巨木數萬以濟用訖事歸鎮翰在郡歲久征斂苛酷政因以弛上以其有功每優容之會汝陰令孫崇望詣闕訴翰所為多不法詔遣御史滕中正乘傳鞠之獄具當棄市上貸其罪削官爵流銅登州雍熙二年起為右千牛衛大將軍分司西京召八為左千牛衛上將軍賜

錢五百萬白金五千兩淳化三年卒年六十九贈太尉
上命遷其四子守謙守能守節守貴官其六子守讓守
贄守澄守恩守英守吉皆補殿直翰陰狡多智數好夸
誕貪冒貨賂飲酒至數斗不亂每奏事帝前雖數十條
皆默識不少差嘗作退將詩曰曾因國難披金甲恥為
家貧賣寶刀翰直禁日因語及之帝憫其意故有銀錢
之賜咸平元年賜諡武毅

楊信瀛州人初名義顯德中隸太祖麾下為裨校太祖

即位權內外馬步軍副都軍頭累遷殿前都虞候領漢
州防禦使乾德四年信病瘠帝幸其第賜錢二百萬改
靜江軍節度開寶二年散指揮都知杜廷進等將為不
軌謀泄夜啟玄武門召信追捕遲明十九人皆獲帝親
訊而誅之遷殿前都指揮使改領建武軍節度太祖嘗
令御龍直習水戰於後池有鼓譟聲信居玄武門外聞
之遽入服皂綈袍以見帝謂曰吾教水戰爾非有他也
出帝目送之謂左右曰真忠臣也九年授義成軍節度

太平興國二年改鎮寧軍並領殿前都指揮使三年以
瘍疾在告俄卒贈侍中信雖瘖疾而質實自將善部分
士卒指顧中微動有紀律故見信任而始終無疑焉未
死前一日瘖疾忽愈帝聞而駭之遽幸其第信自言遭
遇兩朝恩寵隆厚叙謝感慨涕泗橫集帝加慰勉錫賚
有差信弟嗣贊建隆初以信薦為殿直累遷高陽關
戰擢都監淳化二年知保州門無私謁改如京使再知
保州有戰功咸平初真拜保州刺史召還授本州團練使

時楊延昭方為刺史嗣言嘗與延昭同官驟居其上不可顧守舊官帝嘉其讓乃遷延昭官嗣與延昭久居北邊俱以善戰聞時謂之二楊嗣治郡兼領巡徼在郡日少城堞圯壞有未葺者詔供備庫副使趙彬代之改深州團練都巡檢使兼保州鈐轄五年遷人寇保州嗣與楊延昭禦之部伍不整為所襲士馬多亡失代還特宥其罪明年與防秋之策條陳北面利害以其練達邊事出為鎮定高陽關三路後陣鈐轄移定州副都部署景

德初改鎮州路副都部署嗣耄年總軍政慮有廢闕旋命代之復出為天雄軍副都部署以左龍武大將軍致仕卒年八十一錄其子承憲為侍禁贊稍知書無異能以兄故得掌禁旅累資朝著至牧守焉

党進朔州馬邑人幼給事魏帥杜重威重威敗進以薨力隸軍伍周廣順初補散指揮使鐵騎都虞候太祖即位轉本軍都校累遷領睦州防禦使改領閬州乾德初改龍捷左廂都虞候領利州觀察使權步軍杜審瓊卒

命進代領其務領彰信軍節度開寶元年將征太原以
進將河東行營前軍太祖師臨晉陽置砦四面命進主
其東偏師未成列太原驍將楊業領突騎數百來犯進
奮身從數人逐業急入隍中會援兵至緣絕入城獲
免帝激賞之改侍衛馬軍都指揮使領鎮安軍節度又
命將河東行營兵征太原敗太原軍於城北太祖崩召
還太平興國二年出為忠武軍節度在鎮歲餘一日自
外歸有大蛇卧榻上寢衣中進怒烹食之遇病卒年五

十一贈侍中進出戎行形貌魁岸居常恂恂每擐甲胃
毛髮皆豎進名進自稱曰暉人問之則曰吾欲從吾便
耳先是禁中軍校自都虞候已上悉書所掌兵數於梃
上如笏記焉太祖一日問進所掌幾何進不識字但舉
梃以對曰盡在是矣帝以其樸直益厚之嘗受詔巡京
師見有畜養禽獸者必取縱之罵曰買肉不將供父母
反以飼禽獸乎太宗嘗令親吏臂鷹雛於市進欲放之
吏曰此晉王鷹也進乃戒之曰汝謹養視小民傳以為

笑其變詐又如此杜重威子孫有貧困者進分月俸給之士大夫或有愧焉子崇義閑廐使崇貴閤門祇候

李漢瓊河南洛陽人曾祖裕祁州刺史漢瓊體質魁岸有膂力晉末補西班牙衛士遷內殿直周顯德中從征淮南遷龍旗直副都知改左射指揮使太祖即位再遷鐵騎第二軍都校領饒州刺史累遷領洮州觀察使征江南命領行營騎軍兼戰權左廂都指揮使自蘄春攻岐口砦沿流拔池州破銅陵取當塗作浮梁於牛渚以濟

大軍分圍金陵率所部度秦淮取巨艦實葦其中縱火
攻其水砦拔之江南平領振武軍節度太平興國二年
出鎮彰德太宗親征太原改攻城都部署漢瓊與牛思
進主攻城南偏漢瓊先登矢集其腦併中指傷其猶力
疾戰帝召至幄款賜良藥以慰勞之先是攻城者以牛
革冒木上士卒蒙之而進謂之洞子帝欲幸其中以勞
士卒漢瓊極諫以為矢石之下非萬乘之尊所宜輕往
帝乃止太原平改鎮州兵馬鈐轄契丹數萬騎寇漢中

漢瓊與戰於蒲城大敗之遂至遂城俘斬萬計加檢校
太尉車駕幸大名漢瓊上謁陳邊事稱旨命為滄州都
部署以病還京卒年五十五贈中書令漢瓊性木強使
酒難近然善戰有功無子弟漢贊漢彬太平興國初漢
贊補供奉官嘗監高陽關平戎軍乘傳衢婺二州捕劇
賊程白眉數十人悉殲焉累仕崇儀使知寧州大中祥
符七年卒漢彬至禮賓副使

劉遇滄州清池人少魁梧有膂力周祖鎮大名隸帳下

廣順初補控鶴都頭改副指揮使太祖即位遷御馬直
指揮使累遷控鶴右廂都指揮使領瓊州團練使從征
太原遷虎捷右廂改領蔚州防禦使開寶六年轉侍衛
步軍都虞候領洮州觀察使征江南領步軍戰擢都指
揮使時吳兵三萬屯皖口遇會諸路兵破之擒其將朱
令贇王暉等獲戎器數萬金陵平加領大同軍節度太
平興國二年出為彰信軍節度四年征太原與史珪攻
城北面平之進攻范陽師還坐所部失律責授宿州觀

察使五年從幸大名復保靜軍節度幽州行營都部署
護築保州威虜靜戎平塞長城五城徙鎮滑州遇性淳
謹尤善射太宗待之甚厚雍熙二年卒年六十六贈侍
中

李懷忠涿州范陽人初名懷義太祖掌禁兵時隸帳下
為散都頭累授東西班都指揮使改領富州刺史開寶
中從太祖征晉陽累月未下會盛夏欲班師懷忠謂賊
嬰孤城內無儲備外無援兵其勢危困若急攻之破在

旦夕臣願奮銳為士卒先會大熱戰不利懷忠中流矢
力疾戰益奮還授散指揮使遷富州團練使改日騎左
右廂都指揮使帝幸西京愛其地形勢得天下中正有
留都之意懷忠乘間進曰東京有汴渠之漕歲致江淮
米數百萬斛禁衛數十萬人仰給於此帑藏重兵皆在
焉根本安固已久一旦遽欲遷徙臣實未見其利帝嘉

納之

按長編載太祖欲遷都西京懷忠言遷都未見其利帝不聽晉王又以為言帝亦不答徐謂左右曰

姑從晉王言不出百年天下民力殫矣本傳作帝嘉納懷忠語互異

太宗即位領大同軍

節度三年改步軍都指揮使卒贈侍中錄其子紹宗等
三人為供奉官大中祥符三年又錄其子德鈞為借職

米信舊名海進

按東都事畧
作舊字海進

本奚族少勇悍以善射聞

周祖即位隸護聖軍從世宗征高平遷龍捷散都頭太
祖總禁兵以信隸麾下得給使左右遂委心焉改名信
署牙校及即位補殿前指揮使遷直長平揚州日信執
弓矢侍帝側有游騎將迫乘輿射之一發而斃遷內殿
直指揮使開寶元年改殿前指揮使領郴州刺史太宗

即位累遷領洮州觀察使征太原命為行營馬步軍指揮使與田重進分督行營諸軍并人潛師來犯信擊敗之殺其將裴正并州平遂移兵攻范陽師還以功擢保順軍節度使命與郭守贊等同護定州屯兵六年遷定州駐泊部署八年改領彰化軍節度使雍熙三年征幽薊命為幽州西北道行營馬步軍都部署敗契丹於新城契丹率衆後來戰大軍稍却信獨以麾下龍衛卒三百禦敵敵圍之數重矢下如雨信射中數人麾下士多

死會暮信持大刀率從騎大呼殺數十人敵遂少却信以百餘騎突圍得免坐失律議當死詔特原之責授右屯衛大將軍明年復授彰武軍節度端拱初詔置方田以信為邢州兵馬都部署監之改鎮橫海軍信不知書所為多暴橫帝命何承矩為之副以決州事及承矩領護屯田信多專恣不法帝知之名為右武衛上將軍判左右金吾街仗事未踰月吏卒以無罪被捶撻者甚衆強市人物妻死買地營葬妄發居民冢墓家奴陳贊老

病箠之致死為其家人所告下御史鞠之信具伏獄未
上而卒年六十七贈橫海軍節度子繼豐內殿崇班閤
門祇候

田重進幽州人形質奇偉有武力周顯德中應募為卒
隸太祖麾下從征契丹至陳橋還遷御馬軍使積功至
漢州刺史太平興國四年從征太原還錄功擢為天德
軍節度使改侍衛步軍指揮使領靜難軍節度使九年
河決滑州韓房村重進總護其役以劉吉為之副河遂

塞雍熙中命師北征重進率兵傳飛狐城下用袁繼忠

計伏兵飛狐南口擒契丹驍將大鵬翼及其監軍馬贊

按宋史太宗本紀作康州刺史馬顯副將何萬通并渤海軍三千餘人斬

首數千級俘獲以萬計逐北四十里連下飛狐靈州

按宋

史太宗本紀靈州作靈邱等城進攻蔚州其牙校李存璋等殺酋帥

蕭棟摩執耿紹忠率吏民來附會曹彬之師不利乃命

重進董師駐定州遷定州駐泊兵馬都部署三年率師入

契丹境攻下岐溝關殺守城兵千餘及獲牛馬輜重以

還四年改彰信軍節度淳化三年改真定尹成德軍節
度未幾移京兆尹永興軍節度五年改知延州復還鎮
至道三年卒年六十九贈侍中重進不事學太宗居藩
邸時愛其忠勇嘗遺以酒炙不受使者曰此晉王賜也
何為不受重進曰為我謝晉王我知有天子爾卒不受
上知其忠朴故終始委遇馬子守信六宅使守吉閣門
祇候

劉廷翰開封浚儀人父紹陰後唐末隸兵籍晉天福中

以隊長戍魏博范延光反紹陰力戰死周世宗鎮澶淵
廷翰以膂力隸帳下即位補殿前指揮使累從征伐再
遷至散指揮第一直都知太祖即位預平上黨維揚遷
鐵騎都指揮使領廉州刺史太平興國四年從征太原
領鎮州駐泊都鈐轄太宗北伐既班師帝以是備在於
得人乃命廷翰李漢瓊率兵屯真定崔彥進屯關南崔
翰屯定州契丹果縱兵南侵廷翰先陣於徐河彥進率
師出黑蘆堤北街校躡契丹後崔翰漢瓊兵繼至合擊

之大敗其衆於蒲城廷翰以功領大同軍節度殿前都
虞候八年改領彰信軍節度雍熙四年改鎮滑州端拱
中鎮州駐泊馬步軍都部署郭守文卒帝特命廷翰代
之淳化三年改大名尹天雄軍節度以病求解官還闕
帝親臨問賜賚有加未幾卒年七十贈侍中廷翰自衛
士至上將頗以武勇自任寬厚容衆雖不事威嚴而長
於御下為殿前都指揮使入朝常行衆中每歷宮殿門
少識之者嘗與郊祀恩當追封三世廷翰少孤其大父

以上皆不逮事忘其家諱上為撰名親書賜之子贊元
宮苑使登州刺史贊明皇城使勤州團練使


崔翰字仲文京兆萬年人少有大志丰姿偉秀太祖見
而奇之以諫麾下從世宗征淮南平壽春取關南以功
補軍使太祖即位遷御馬直副指揮使從征澤潞開寶
初遷河東降民以實陝西地晉人勇悍多習武藝命翰
差擇之及閱試河北鎮兵取其驍果者以分配天武兩
軍九年領端州刺史太宗即位進本州團練使太平興

國二年講武於西郊時殿前都指揮使楊信病瘖命翰代之翰分布士伍南北綿亘二十里建五色旗號令將卒望其所舉以為進退六師周旅如一帝御臺臨觀大悅以藩邸時金帶賜之謂左右曰近朝之將必無如崔翰者從征太原命總侍衛馬步諸軍率先攻城流矢中其頰神色不變督戰益急帝即軍帳撫問之太原平時帝將有事幽薊諸將以為晉陽之役師罷餉匱劉繼元降賞賚且未給遽有平燕之議不敢言翰獨奏曰所當乘

者勢也不可失者時也取之易帝謂然定議北伐既而班師命諸將整暇以還至金臺驛大軍南向而潰帝令翰率衛兵千餘止之翰請單騎往至則諭以師律衆徐以定不戮一人既復命帝喜因命知定州得以便宜從事緣邊諸軍並受節制軍市租儲得以專用契丹兵數萬寇蒲城翰會李漢瓊兵於徐河河陽節度崔彥進兵自高陽關繼至因合擊之契丹投西山坑谷中死者不可勝計俘馘數萬所獲他物又十倍焉以功擢武泰軍

節度使初劉繼元降帝令翰往撫慰俘畧無得出城時
秦王廷美以數十騎將冒禁出翰呵止之至是構於上
明年出為感德軍節度使至鎮時盜賊充斥翰誘其渠
魁戒以禍福羣盜感悟散歸農畝境內肅然雍熙二年
移知滑州三年北伐不利帝追念徐河之功召翰為威
虜軍行營兵馬都部署改鎮定國軍移鎮鎮安軍淳化
三年召還以病留京師稍間入見帝曰臣既以身許國
不願死於家得以馬革裹尸足矣帝壯之復令赴鎮月

餘卒年六十三贈侍中翰驍勇有謀所至多立功輕財
好施死之日家無餘貲子繼顯虞部員外郎孫承業內
殿承制閣門祗候承祐內殿崇班



欽定續通志卷三百二

欽定四庫全書

史部

欽定續通志卷三百

三四

中書臣李采覆勘

總校官原任侍講臣王燕緒

欽定四庫全書

欽定續通志卷五十三

列傳

宋

七

李瓊

郭纘

陳承昭

李萬超

白重贊

王仁鎬

陳思讓

焦繼勳

袁彥

李穀

咎居潤

王易簡

趙上交

縣

劉溫叟

几

劉濤

邊光範

劉載

程羽

李瓊字子玉幽州人祖傳正涿州刺史父英涿州從事瓊幼好學涉獵史傳挾策詣太原會唐莊宗募勇士即應募與周祖等十人約為兄弟一日會飲瓊熟視周祖知非常人因舉酒祝曰凡我十人龍蛇混合異日富貴無相忘皆刺臂出血為誓周祖與瓊情好尤密嘗見其危坐讀書因問所讀何書瓊曰此聞外春秋所謂以正

守國以奇用兵較存亡治亂記賢愚成敗皆在此也周
祖曰凡當教我自是周祖出入常袖以自隨遇暇輒讀
每問難瓊謂瓊為師及討河中乃解瓊兵籍令參西征
軍事賊平表於朝授朝散大夫大理司直遷太子洗馬
周祖鎮鄴表為大名少尹廣順初拜將作監充內作坊
使連知亳陝二州改濟州刺史世宗初遷洺州團練使
改安州防禦使治郡寬簡民請立碑頌德詔中書舍人
竇儀撰文賜之太祖即位召為太子賓客建隆三年請

老改右驍衛上將軍致仕卒年七十三贈太子少師

郭瓊平州盧龍人祖海本州兩治使父令奇盧臺軍使
瓊少以勇力聞事契丹為蕃漢都指揮使後唐天成中
挈其族來歸明宗以為亳州團練使改刺商州遷原州
清泰初移階州城壘未葺蜀人屢寇瓊因徙城保險民
乃無患受詔攻文州拔二十餘砦晉天福中羌渾騷動
朔方節度張希崇表瓊為部署將兵共討平之開運初
為北面騎軍排陣使陽城之役戰功居多改沂州刺史

充荆口砦主兼東面行營都虞侯擒莫州刺史趙思以
獻改刺懷州俄為北面先鋒都監契丹滅晉盜賊蠭起
山東為甚契丹主命瓊復刺沂州以禦盜瓊即日單騎
赴郡盜聞瓊威名相率遁去漢乾祐中淮人攻密州以
為行營都部署未至淮人解去會平盧節度劉銖恃佐
命之舊稱疾不朝大臣懼其難制先遣瓊與衛州刺史
郭超以所部兵屯青州銖不自安置酒召瓊伏壯士幕
下欲害瓊瓊知其謀屏去從者從容就席略無懼色銖

不敢發瓊因為陳禍福銖感其言遂治裝俄詔至即日
上道瓊改潁州團練使又加防禦使時朗州結荆淮廣
南合兵攻湖南詔瓊以州兵合王令溫大軍攻光州尋
以內難不果罷歸朝遣詣河北計度兵甲芻糧周祖召
權知宗正卿事世宗征劉崇為北面行營都監歷絳蔡
齊三州防禦使在齊州民饑瓊以已俸賑之人懷其惠
相率詣闕頌其德政詔許立碑宋建隆三年告老加右
領軍衛上將軍致仕歸洛陽乾德二年卒年七十二瓊

雖起卒伍而所至有惠政禮士樂善益武臣之賢者也
陳承昭江表人始事李景為保義軍節度周世宗征淮
南景以承昭為濠泗楚海水陸都應援使世宗既拔泗
州引兵東下太祖遇承昭於淮上擊敗之親擒承昭世
宗釋之授右監門衛上將軍改右領軍衛上將軍分司
西京太祖即位以承昭習知水利督治惠民五丈二河
以通漕運建隆二年河成歷左右神武統軍四年大發
近甸丁壯修畿內河堤命承昭董其役又令督諸軍子

弟鑿池於朱明門外以習水戰從征太原承昭請墜汾水灌城城危甚會班師功不克就乾德五年遷右龍武軍都統開寶二年卒年七十四贈太子太師大中祥符元年錄其孫宗義為三班借職

李萬超并州太原人幼孤貧負販以養母晉祖起并門萬超應募隸軍籍戰累捷稍遷軍校從李守貞討楊光遠於青州奮勇先登飛石中其腦氣不屬者久之開運中從杜重威拒契丹於陽城流矢貫手萬超拔矢復戰

神色自若以功遷肅銳指揮使契丹入中原時萬超以

本部屯潞州主帥張從恩將棄城歸契丹會前驍衛將

軍

通鑑作左驍衛大將軍

王守恩服喪私第從恩即委以後事

按

鑑載趙行遷知留後守恩權巡檢使與傳所載委以後事句互異

遁去及契丹使至專

領郡務守恩遂無所預萬超奮然謂其部下曰我輩垂

餌虎口苟延旦夕之命今欲殺使保城非止逃生亦足

建勲業汝曹能乎衆皆喜曰唯命遂率所部入府署殺

其使推守恩為帥列狀以聞漢祖從其請仍命史宏肇

統兵先渡河至潞見萬超語之曰得復此州公之力也
吾欲殺守恩以公為帥可乎萬超對曰殺契丹使以推
守恩蓋為社稷計爾今若賊害於人自取其利非宿心
也宏肇大奇之表為先鋒馬步軍都指揮使路經澤州
刺史翟令奇堅壁拒命萬超馳至城下諭之令奇乃開
門迎納宏肇即留萬超權州事漢祖遂以為刺史及征
李守貞以萬超為行營壕砦使河中平拜懷州刺史周
祖開國從征慕容彥超又為都壕砦使以功授洺州團

練使預收秦鳳改萊州從平淮南連移斬登二州所至
有善政太祖即位入為右武衛大將軍遷左驍衛大將
軍開寶八年卒年七十二

白重贊憲州樓煩人其先沙陁部族重贊少從軍有武
勇漢初為護聖都指揮使乾祐中平河中以功領端州
刺史周廣順中授義成軍節度在鎮日河屢決重贊親
部丁壯塞大程六合二堤世宗征劉崇以重贊為河東
道行營馬軍都指揮使重贊與李重進居陣西偏樊愛

能何徽居陣東偏既合戰愛能與徽皆遁走惟重贊與
重進率所部力戰世宗自督親軍合勢薄之并人大敗
既誅愛能等授重贊保大軍節度使及征太原河陽劉
訢為隨駕都部署重贊副之忻州監軍殺刺史趙臯及
契丹大將楊耨姑以城降而契丹兵猶盛命重贊及符
彥卿擊走之改河陽三城節度檢校太尉征淮南命重
贊率親兵三千軍于潁上改淮南道行營馬步軍都虞
侯俄遷彰義軍節度太祖即位加檢校太師改鎮涇州

有馬步軍教練使李玉本燕人兇狡與重贊有隙遂與部下閭承恕謀害重贊密遣人市馬纓偽造製書云重贊構逆令夷其族乃自持偽制并馬纓以告都校陳延正曰使者致而去矣延正具白重贊重贊封其書以聞太祖大駭驗視皆誕謬遂命六宅使陳思誨馳赴涇州禽玉及承恕鞠問伏罪俄改泰寧軍節度乾德四年又為定國軍節度開寶二年改左千牛衛上將軍奉朝請

三年卒年六十二

王仁鎬邢州龍岡人後唐明宗鎮邢臺署為牙校即位擢為作坊副使累遷改右領軍衛將軍晉天福中青州楊光遠將圖不軌以仁鎬為節度副使伺其動靜歷二年或譖仁鎬于朝改護國軍行軍司馬仁鎬至河中數月光遠反書聞漢乾祐中歷昭義天雄二軍節度副使周祖鎮鄴表仁鎬為副留守及起兵仁鎬預其謀廣順中為王峻所忌出為唐州刺史充宣徽北院使兼樞密副使顯德初復出為永興軍節度使世宗嗣位移河中

會殿中丞上官瓚使河中還言河中民多匿田租遂遣
瓚按視均定百姓苦之多逃亡他郡仁鎬抗論其事廼
止五年拜安國軍節度制曰眷惟襄國實卿故鄉分子
龍節之權成爾錦衣之美時人美之郡有羣盜仁鎬遣
使遺以束帛諭之悉遁去不復為盜恭帝立移山南東
道節度太祖即位加檢校太師建隆二年以疾召還次
唐州卒於傳舍年六十九仁鎬性端謹儉約崇信釋氏
每晨誦佛經至日盥出視事從事劉謙責仁鎬曰公貴

為藩侯不能勤恤百姓孜孜事佛何也仁鎬斂容遜謝
無愠色當時稱其長者

陳思讓字後已幽州盧龍人父審確仕後唐至晉累歷
檀順涿均沁唐祁城八州刺史預征蜀權利州節度終
金州防禦使思讓初隸莊宗帳下即位補右班殿直晉
天福中遷作坊使以先鋒右廂都監從武德使焦繼勳
領兵討安從進大破之授坊州刺史契丹謀入侵以思
讓監檀州軍討楊光遠於青州也又為行營右廂兵馬

都監兵罷改磁州刺史符彥卿北征契丹思讓表求預
行尋改衛州連丁內外艱時武臣罕有執喪禮者思讓
不俟詔去郡奔喪聞者嘉之起復隨州刺史漢初移刺
淄州會淮南與朗州馬希萼合兵淮南攻湖南馬希廣
來乞師旋屬內難又周祖北征乃分兵令思讓往郢州
赴援兵未渡而希廣敗思讓留於郢周祖即位召思讓
及所部兵還劉崇自立于太原按宋史稱劉崇僭號于太原考五代史於周廣
順元年書劉崇自立于太原蓋崇為後漢高祖母弟周
祖篡漢崇義不為周屈十國譜論亦予其不屈于周今

五代史改周祖思得方略之士以備邊遣思讓率兵詣磁

州控扼澤潞未行陞磁州為團練即以思讓充使劉崇

遣大將李瓌

通鑑作李存瓌

自團柏軍於鷁子店思讓與都監

向訓張仁謙等率軍至虎亭西與瓌軍遇獲崇偏將王

璠曹海金俄遣王峻援晉州以思讓與康延昭分為左

右廂排陣使率軍自烏嶺路至絳州與大軍合崇燒營

遁去思讓又與藥元福襲之命權知絳州明年遷絳州

防禦使顯德元年改亳州充昭義軍兵馬鈐轄屢敗并

人及契丹援兵遷安國軍節度觀察留後充北面行營
馬步軍排陣使五年敗并軍於西山下是秋邢州官吏
耆艾邢銖等四十人詣闕求借留思讓詔褒之改義成
軍節度觀察留後六年世宗將北征命先赴冀州以俟
命及得瓦橋關為雄州命思讓為都部署率兵戍守世
宗不豫還京留思讓為關南兵馬都部署恭帝立授廣
海軍節度太祖即位加檢校太傅乾德二年又為保信
軍節度時皇子興元尹德昭納思讓女為夫人開寶二

年改護國軍節度河中尹七年卒年七十二贈侍中思讓累歷方鎮無敗政酷信釋氏人目為陳佛子身沒之後家無餘財弟思誨至六宅使子欽祚累遷至香藥庫使長州刺史欽祚子若拙

若拙字敏之

按宋史本傳後云若拙寡學術素無文目為暗勝此處稱其幼嗜學應對詳雅云云

前後互異今刪

太平興國五年進士甲科解褐將作監丞通判

鄂州改太子右贊善大夫知單州以能政就改太常丞遷監察御史充鹽鐵判官益州繫囚甚衆太宗召若拙

面諭委以疏決遷殿中侍御史通判益州淳化三年就
命為西川轉運副使未幾改正使召歸會李至守洛都
表若拙佐治改度支員外郎通判西京留司久之柴禹
錫鎮涇州復奏為通判遷司封員外郎部送芻糧至塞
外優詔獎之入為鹽鐵判官轉工部郎中與三司使陳
恕不協求徙他局改主判開拆司車駕北巡命李沆留
守東京以若拙為判官河決鄆州朝議徙城以避水患
命若拙與閻承翰往規度尋命權京東轉運使因發卒

塞王陵口又於齊州浚導水勢設巨隄於采金山奏免
六州所科梢木五百萬民甚便之河平真授轉運使召
還拜刑部郎中知潭州時三司使缺若拙自謂得之及
是大失望因請對言父母年老不願遠適求納制命帝
怒追若拙所授告敕黜知處州徙温州代還復授刑部
郎中再為鹽鐵判官改兵部郎中河東轉運使會經度
制置使陳堯叟言其幹職擢拜右諫議大夫徙知永興
軍府時鄰郡歲饑前政拒其市糴若拙至則許貿易民

賴以濟又移知鳳翔府入拜給事中知澶州蝗旱之餘
勤于政治郡民列狀乞留天禧二年卒年六十四若拙
多誕妄寡學術當時以第二人及第者為榜眼若拙素
無文故目為賸榜云子映

焦繼勲字成績許州長社人少讀書有大志嘗謂人曰
大丈夫當立功異域取萬戶侯豈能孜孜事筆硯哉遂
棄其業游三晉間為輕俠晉祖鎮太原繼勲以儒服謁
見晉祖與語悅之留帳下天福初授皇城兼宮苑使遷

武德使安重榮反鎮州安從進自襄陽舉兵為應

按五代史

晉天福六年十月山南東道節度使安從進反十一月
西京留守高行周為南面軍前都部署以討之十二月
成德軍節度使安重榮反天平軍節度使杜重威為鎮
州行營招討使戰敗之七年正月安重榮伏誅又按五
代史安從榮傳安從進反襄陽重榮聞之乃亦舉兵又
安從進傳天福六年安重榮執殺契丹使者反迹見高
祖為之幸鄴從進聞高祖北遂殺知麟以反與宋
史安重榮反鎮州安從進自襄陽舉兵為應互異晉祖
命繼勲督諸將進討至唐州南遇從進軍萬餘設伏擊
敗之禽其牙將安洪義鮑洪等得山南東道印從進單
騎奔還從進弟從貴率兵千餘人援均州刺史蔡行遇

繼勲殺其衆生禽從貴斷腕放入城中從進自此不能
復鎮繼勲就拜齊州防禦使出帝即位從進平藉繼勲
咸平鎮之徙襄陽防禦使歲餘入為右千牛衛大將軍
拜宣徽北院使遷南院使西人寇邊朝議發師致討繼
勲抗疏請行拜秦州觀察使兼諸蕃水陸轉運使既至
推恩信設方略招誘諸郡酋長相率奉玉帛牛酒乞盟
邊境以安俄徙知陝州就遷保義軍兵馬留後漢初鳳
翔軍校陽彥昭據城叛命繼勲率師討之以功授保大

軍節度召入會漢祖幸大名留為京城右廂巡檢使俄改右羽林統軍隱帝末命繼勲領兵北征及周祖舉兵向闕繼勲奉隱帝逆戰于留子陂

五代史作劉子陂

戰不利遂

歸周祖廣順初改右龍武統軍世宗征淮南為左廂排陣使又改右羽林統軍將軍左屯衛上將軍拜彰武軍節度太祖即位召為右金吾衛上將軍改右武衛上將軍權知延州判右街使杜審瓊卒命繼勲代之時向拱為西京留守多飲燕不省府事群盜白日入都市劫財

拱被酒不出捕逐太祖選繼勲代之月餘京城肅然太祖幸洛還以為彰德軍節度仍知留府事太平興國三年卒年七十八贈太尉繼勲獵涉史傳頗達治道所至有善政然性吝嗇多省公府用度時論少之子守節

按宋

史此下有守節附傳及劉重進傳無事蹟足錄今並刪

袁彥河中河東人少以趨勇應募漢乾祐中周祖領軍討李守貞以彥置麾下及鎮鄴以為部直小將顯德初授內外步軍都軍頭領泉州刺史改岳州防禦使從征

壽州為城北造竹龍都部署竹龍者以竹數十萬竿圍而相屬上設版屋載甲士數百人以攻其城又命於渦口修橋橋成世宗幸焉因立為鎮淮軍前太祖下滁陽

禽皇甫暉姚鳳彥皆有勞績詔褒之又令率師屯下蔡

以逼壽春及克壽州

按劉仁贍鎮壽州始末見五代史死節傳周世宗實錄載仁贍降書

蓋其副使孫羽等所為也羽詐為仁贍書以城降仁贍即於是日卒周世宗本紀書三月丁未克壽州注云仁贍實不降故書周自克之爾宋史承周實錄之文誤今依世宗本紀改仁贍降為克壽州也

從世宗

攻濠泗又禽南唐將許文績邊鎬等以獻真授步軍都

指揮使領彰信軍節度恭帝立移保義軍節度太祖即

位加檢校太尉改鎮曹州移鄆州罷鎮歸闕卒年六十

六景德四年特詔錄其孫昭慶為借職

按宋史此下有祁廷訓張鐸李

萬全三傳及田景咸王暉合傳俱無事蹟可錄今刪

李穀字惟珍潁州汝陰人身長八尺少勇力善射以任

俠為事頗為鄉人所困發憤從學所覽如宿習年二十

七舉進士連辟華泰二州從事晉天福中擢監察御史

出帝即位拜職方郎中轉吏部郎中罷職天福九年出

帝親征契丹詔許扈從充樞密直學士加給事中為馮
玉李彥韜所排會帝再幸河北改三司副使權判留司
三司事開運二年出為磁州刺史北面水陸轉運使契
丹入汴出帝蒙塵舊臣無敢候謁者穀獨拜迎於路泣
曰臣無狀負陛下因傾囊以獻會契丹主發使至州穀
禽斬之密送款于漢祖潛遣河朔酋豪梁暉入據安陽
契丹主患之即議北旋會有告契丹以城中虛弱者契
丹還攻安陽陷其城穀自郡候契丹遂見獲曰爾何背

我歸太原穀曰無之契丹主因引手車中似取所獲文字而穀知其詐因請曰如實有此事乞顯示之契丹國制人未伏者不即真死自後凡詰穀者六次穀詞不屈契丹主病且曰我南行時爾謂我必不得北還爾何術知之今我疾甚能救則致爾富貴穀曰實無術為人所陷耳穀氣色不撓俄而德光道殂永康繼立署穀給事中時契丹將滿達守真定而李崧和凝與家屬皆在城中會李筠何福進率兵逐滿達推護聖指揮使白再榮

通鑑作恩州

團練白再榮權知留後再榮利崧等家財令甲士圍其

居以求賂既得之復欲殺崧等滅口穀遽見再榮謂之

曰今國亡主辱公輩握勁兵不能死節雖逐一契丹將

城中死戰者數千人非獨公之力也一朝殺宰相即日

中原有主責公專殺何辭以對再榮懼崧等獲免漢祖

入拜左散騎常侍舊制罷外郡歸本官至是進秩獎之

也俄權判開封府時京畿多盜中牟尤甚穀誘邑人發

其巢穴有劉德興者梁時屢攝畿佐居中牟素有幹材

穀卽署攝本邑主簿請侍衛兵數千佐德興悉禽賊黨
自是行者無患俄遷工部侍郎周祖西征為西南面行
營水陸轉運使闕右平改陳州刺史周祖兵入汴命權
判三司廣順初加戶部侍郎拜中書侍郎平章事仍判
三司初漢乾祐中周祖討河中穀掌轉運時周祖已有
人望兼漢政紊亂潛貯異志屢以諷穀穀但對以人臣
當盡節奉上而已故開國之初倚以為相是歲淮陽吏
民數千詣闕請立生祠許之穀懇讓得止先是禁牛革法

甚峻犯者抵死穀乃校每歲用革之數凡田十頃歲出一革餘聽民私用又奏罷屯田務以民隸州縣課役盡除宿弊顯德初加右僕射集賢殿大學士從世宗征太原命穀先調兵食又代符彥卿判太原行府事師還進位司空門下侍郎監修國史穀以史氏所述本於起居注喪亂以來遂廢其職請令端明樞密直學士編記言動為內廷日歷以付史官是歲河大決齊鄆發十數州丁壯塞之命穀領護刻期就功二年議伐南唐以穀為

淮南道行營前軍都部署兼知廬壽等州行府事忠武軍節度王彥副之韓令坤以下十二將率從穀領兵自正陽渡淮先鋒都將白延遇敗吳兵數千于來遠又破千餘人于山口鎮進攻上窰又敗千餘衆獲其小校數十人長圍壽春南唐遣大將劉彥貞來援穀召將佐謀曰今援軍已過來遠距壽陽二百里舟楫將及正陽我師無水戰之備萬一斷橋梁隔絕王師則腹背受敵矣不如退守浮梁以待戎輅之至初世宗至圍鎮已聞此

謀亟走內侍乘驛止之穀已退保正陽仍焚芻糧回軍之際遞相掠奪淮北役夫數百悉陷于壽春世宗聞之怒亟命李重進率師代之以穀判壽州行府是秋詔歸闕得風痺疾累表請致仕優詔不允每軍國大事令中使就第問之四年吳人壁紫金山築甬道以援壽春時議師老無功請罷兵為便世宗令范質王溥就穀謀之穀手疏請親征世宗大悅用其策及淮南平出穀疏令翰林學士承旨陶穀為贊以賜之是夏世宗還穀扶疾

見便殿詔令不拜命坐御坐側以抱疾既久請辭相位
世宗怡然勉之以平壽州叙功加爵邑是秋抗表乞骸
骨罷相守司空加邑封令每月肩輿一詣便殿訪以政
事恭帝立加開府儀同三司進封趙國公求歸洛邑從
其請太祖即位遣使就賜器幣建隆元年卒年五十八
贈侍中穀為人厚重剛毅深沉有城府議政事明暢聳
聽好汲引寒士多致顯位與韓熙載善熙載將南渡密
告穀曰若江東相我我當長驅以定中原穀笑曰若中

原相我下江南探囊中物耳穀後果如其言李昉嘗為穀記室穀曰子他日官祿當如我昉後至宰相司空周顯德中扈載以文章馳名樞密使王朴薦令知制誥除書未下朴詣中書言之穀曰斯人命薄慮不克享耳載知制誥遷翰林學士未幾卒世謂朴能薦士穀能知人穀歸洛中昭義李筠以穀周朝名相遺錢五十萬他物稱是穀受之既而筠起兵穀憂恚而終子言至補闕拱至太子中允

咎居潤字廣川

據東郡事畧增

博州高唐人善書計後唐長興

中隸樞密院為小吏以謹愿稱晉初補牙職會景延廣

留守西洛署為右職延廣卒陝帥白文珂表薦居潤於

周祖時世宗尹京詔以補府中要職即位擢為軍器庫

使從征高平以功遷客省使知青秦二州歷知鳳翔河

中府

按宋史作歷知鳳陽河中府考宋時無鳳陽府名據東都事畧改

顯德三年代王

朴知開封府四年幸壽州命為副留守幸淮上以宣徽

北院使兼副留守六年征關內為東京副留守吳廷祚

為樞密使真判開封府改左領軍衛上將軍恭帝立加
檢校太傅太祖即位加檢校太尉及征澤潞命赴澶州
巡警師還權知鎮州加佐領軍衛上將軍建隆二年又

權知澶州拜義武軍節度

東都事畧作義成軍

在鎮數年得風痺

乾德四年卒年五十九贈太師居潤性明敏有節槩篤
於行義晉室將亡景延廣委其族自洛赴難至則為契
丹所執僚吏部曲悉遁獨居潤保護其家居潤與太祖
同事世宗情好款浹嘗薦沈倫於太祖以為純謹可用

後至宰相世稱其知人子惟質至內園使弟居濟至水

部員外郎大中祥符三年錄其孫建中為三班借職

按宋

史此下有竇貞固李清兩傳查竇貞固入宋未久不仕而卒李清已改入貳臣其附後之李潞李仲容二人無蹟可錄

今併刪

王易簡字國寶京兆萬年人性介特寡合曾祖肅唐劍

州刺史祖達連州刺史父貫唐州刺史易簡少好學工

詩會僖宗幸蜀長安兵亂避地山谷梁乾化中舉進士

擢第復隱華山邠帥韓恭辟觀察支使府罷華帥李保

衡復辟從事踰年尹皓代保衡易簡仍在幕府會朱友謙以河中叛歸莊宗攻華州甚急城中危懼咸請禁月城以自固皓恃勇不聽易簡固請廼許板築始畢外城果壞軍民賴之會夜不能攻友謙遂遁去皓卒易簡歸田里久之召為著作郎數月棄去復召為右拾遺上書忤旨出為鄧州節度推官後唐同光中遣魏王繼岌伐蜀以宰相郭崇韜為招討使辟易簡為巡官改魏王都督府記室叅軍明宗即位周帥羅周恭辟為掌書記府

罷退居華陰作小隱詩二十首并序以見志好事者多
傳誦秦王從榮聞而重之謂宰相馮道李愚曰易簡有
才豈宜久居外地即召為祠部員外郎改水部郎中知
制誥府中書舍人晉初判宏文館史館事晉祖為治務
求速效易簡上漸治論以諫之詔書褒答以論付史館
及廢翰林學士易簡兼知內制又拜御史中丞歷右丞
吏部侍郎左丞判吏部銓嘗上言選人詣都親求解樣
往來跋涉乞委南曹詳定下諸州每取解時準條式遵

行從之周朝諱簡易止名易廣順初遷禮部尚書是冬合三銓為一令易簡摧判俄改刑部尚書顯德四年以太子少保致仕歸鄉里太祖即位召加少傅所居華陰構一鳴堂二品樓優遊自適建隆四年無疾卒年七十九子景讓進士及第至尚書郎

趙上交涿州范陽人本名遠字上交避漢祖諱遂以字稱祖光郭鄂州錄事叅軍父簡章涿州司馬上交身長七尺負才任氣為鄉里所推後唐同光中嘗詣中山干

王都有扣少微者亦在都門下毀訾上交都遂不為禮
因南遊洛陽中官驃騎大將軍馬紹宏領北面轉運制
置大使表為判官遷殿中丞秦王從榮開府兼判軍衛
以上交為虞部員外郎充六軍諸衛推官累遷司封郎
中充判官從容豪邁不遵禮法好昵羣小上交從容引
恭世子戾太子之事諷諫從榮怒出之歷涇秦二鎮州
節度判官從榮及禍僚屬皆坐斥上交由是知名晉初
召為左司郎中度支判官歷右諫議大夫會廢翰林學

士以上交為中書舍人知內外制遷刑部侍郎上言乞
自今但能雪活冤獄不限中外官並加旌賞詔從之俄
遷戶部侍郎拜御史中丞彈舉無所阿避契丹入汴立

明宗幼子許王從益為帝

按五代史後唐明宗家人王淑妃傳稱許王從益晉天福

四年九月封為郃國公以奉唐祀出帝即位契丹犯京師耶律德光拜從益為彰信軍節度使從益辭不之官與母俱還洛陽德光北歸留蕭翰守汴州漢高祖起太原翰欲北去乃使人召從益委以中國遂以從益權知南朝軍國事又按漢高祖本紀天福十二年五月蕭翰遷歸于契丹以郃國公李從益知南朝軍國事據此則立從益者乃契丹北歸以後晉守蕭翰所為非入汴時事也又許王是唐時初封此時已降稱郃國公所立者

止稱權知南朝軍國事
亦未嘗為帝而史互異
以禮部尚書王崧為左丞相上

交為右丞相契丹去上交請去偽號稱梁王漢祖將至
從益遣上交馳表獻款授檢校禮部尚書太僕卿遷祕
書監周祖監國命太師馮道迎湘陰公于徐州以上交
副之廣順初拜禮部侍郎會將試貢士上交申明條制
頗為精密始復糊名考校擢扈載甲科及取梁周翰董
淳之流時稱得士轉戶部侍郎明年再知舉謗議紛然
時樞密使王峻用事常薦童子上交拒之峻怒奏上交

選士失實貶商州司馬朝議以為太重會峻貶乃止但
坐所取士李觀侯璩賦落韻改太子詹事顯德初遷賓
客二年拜吏部侍郎多請告不朝時出游別墅世宗因
問閭穀曰上交豈衰老乎穀對曰上交昔掌貢舉放第
市家子李觀及第受所獻名園多植花卉優游自適世
宗怒免其官太祖即位起為尚書右丞建隆二年卒年
六十七上交所蒞官以幹聞當時稱有公輔器尤好吟
詠子贍字可畏七歲喪母過哀十二能屬文與兄峻同

舉進士未成名而兄大遂以蔭補千牛備身歷祕書郎

殿中丞著作郎卒年二十六

按宋史此下有張錫張鑄
遘歸諫三傳無事蹟足錄

則今

劉溫叟字永齡河南洛陽人性重厚方正動遵禮法唐
武德功臣政會之後父岳後唐太常卿溫叟七歲能屬
文善楷隸岳時退居洛中語家人曰吾兒風骨秀異所
未知者壽耳今世難未息得與老夫皆為溫洛之叟足
矣故名之溫叟以蔭補國子四門助教河南府文學清

泰中為左拾遺內供奉以母老乞歸就養改監察御史
分司未幾召為右補闕仕晉累拜刑部郎中改都官郎
中充翰林學士初岳仕後唐嘗居內署至是溫叟復居
斯任時人榮之溫叟既受命歸為母壽候立堂下須臾
聞樂聲兩青衣舉箱出庭奉紫袍兼衣母命捲簾見溫
叟曰此即爾父在禁中日內庫所賜者溫叟拜受泣下
歲滿加知制誥契丹入汴溫叟懼隨北遷與承旨張允
共上表求解職契丹主怒欲出允等為縣令趙延壽曰

若學士才不稱職求解者守本官可也不可加貶出遂
得罷職出院漢祖南下溫叟自洛從至鄭州稱疾不行
及入汴溫叟久之方至授駕部郎中周初拜左諫議大
夫改中書舍人加史館修撰判館事顯德初遷禮部侍
郎知貢舉得進士十六人有譖于帝者帝怒黜十二人
左遷太子詹事溫叟實無私後數年其被黜者相繼登
第溫叟與張昭同修漢隱帝及周祖實錄恭帝即位遷
工部侍郎兼判國子祭酒事太祖即位改刑部建隆九

年拜御史中丞丁內艱退居西洛旋復本官三年兼判吏部銓一日晚歸由闕前太祖方與中黃門數人偶登明德門西闕前騎者潛知之以白溫叟溫叟令傳呼如常過闕翌日請對具言人主非時登樓則近制咸望恩宥輦下諸軍亦希賞給臣所以呵導而過者欲示衆以陛下非時不登樓也太祖善之

按溫叟傳呼過闕翼日請對之言因宋祖善之

史家遂以為美談伏請通鑑輯覽
誠春秋之定論以是知溫叟大有愧于蘧伯玉矣任臺

承十二年屢求代太祖難其人不允開寶四年被

疾太祖知其貧就賜器幣數月卒年六十三溫叟事繼母以孝聞雖盛夏非冠帶不敢見五代以來言執禮者惟溫叟焉立朝有德望精賞鑒門生中尤器揚徽之趙隣幾後皆為名士范杲幼時嘗以文贄溫叟大加稱獎以女妻之太宗在藩邸聞其清介遣吏遺錢五百千溫叟受之貯廳西舍中令府吏封署而去明年重午又送角黍紈扇所遺吏即遺錢者視西舍封識宛然還以白太宗太宗曰我錢尚不用况他人乎昔日納之是不欲

拒我也今周歲不啟封其苦節愈見命吏輦歸卽是秋
太宗侍宴後園因論當世名節士具道溫叟前事太祖
再三賞歎雍熙初子炤罷徐州觀察推官待選以貧詣
登聞求注官及引對太宗問誰氏子炤以溫叟對太宗
愀然召宰相語其事且言當今大臣罕有其比因問炤
當得何官宰相言免選以為厚恩帝曰其父有清操錄
其子登朝庶足示勸擢炤太子右贊善大夫炳煜並進
士及第

煜字耀卿進士及第積官祕書省著作郎知龍門縣羣盜殺人煜捕得之將械送府恐道亡去皆斬之衆服其果通判益州召還時王曙治蜀或言其政苛暴真宗問曙治狀與凌策孰愈煜曰策在蜀歲豐事簡故得以寬假民比歲小歉盜賊竊發非誅殺不能禁然曙所行亦未嘗出陛下法外帝善之天禧元年始置諫官帝謂宰相曰諫官御史當識朝廷大體於是以煜為右正言會都城東南有泉出民爭傳可以已疾詔即其地建祥源

觀煜言詭妄不經且亢旱不可興土木以營不急歲薦

饑河決滑州大興力役饑殍相望煜請策免宰相以應

天變

按宋史真宗本紀河決滑州在天禧三年六月建祥源觀在天禧二年閏四月宋史本傳叙此二事

先後失次
今據改

又請罷提點刑獄禁民棄父母事佛老者皆

不報表請補外帝以煜屢言事乃以判三司戶部勾院

出安撫京西還直集賢院同修起居注遷右司諫以尚

書工部員外郎兼侍御史知雜事權判吏部流內銓累

遷刑部郎中龍圖閣直學士知河南府徙河中府卒初

王曙坐寇準貶官在朝無敢往見者煜歎曰友朋之義獨不行於今歟往餞之經宿而還嘗善河中處士李漬漬死為陳其高行詔以著作郎贈之唐末五代亂衣冠舊族多離去鄉里或爵命中絕而世系無所考惟劉氏自十二代祖北齊中書侍郎環偶以下仕者相繼而世牒具存焉子儿

儿字伯壽以煜任為將作監主簿生而豪雋長折節讀書第進士從范仲淹辟通判邠州邠地鹵民病遠汲几

浚渠引水注城中役興客曰自郭汾陽城此州苟外水
可醜何待今日無為虛費勞人也几不答未幾水果至
鑿五池于通遠民大便利知寧州俗喜巫軍校伏妖法
結其徒亂有日几使他兵伏壘門以伺夜半盡擒之加
本路兵馬鈐轄知邠州儂智高犯嶺南几上書願自効
以為廣東西捉殺道聞蔣偕張忠戰沒疾馳至長沙見
狄青曰賊若退守巢穴瘴毒方興當班師以俟再舉若
恃勝求戰此成擒耳賊果悉衆來大戰于歸仁鋪前鋒

孫節死凡以右軍搏鬪勝負未決言於青出勁騎五千
張左右翼擣其中堅賊駭潰進皇城使知涇州陞見辭
以母老丐復文階歸養仁宗諭之曰涇內地也將毋莫
便焉命特賜冠帔領循州刺史遷西上閣門使再歸郎
中班會公亮薦之復以嘉州團練使為太原涇原路總
管夏人寇用亮堡東都事畧作同來堡轉運使陳述古攝渭帥凡
移文索援兵不聽率諸將偕請又不聽乃趣以書手述
古怒移几為鳳翔且劾生事朝廷以總管非轉運使所

得徙置遣御史出按述古黜几亦改鄜州召判三班院
邊吏告夏人趙大順英宗問几几曰大順天險非夏人
可得近正恐與趙明為讎爾帝曰明之子奔馬入城幾
為所掩卿料敵一何神也以為秦鳳總管神宗即位轉
四方館使知保州治狀為河北第一踰六年即請老還
為祕書監致仕元豐三年祀明堂大臣言几知音詔詣
太常定雅樂几曰古樂備四清聲沿五季亂離廢請增
之樂成予一子官間與人語邊事謂張耒曰此見詔書

禁邊吏夜飲此曹一旦有急將使輸其肝腦此平日禁
其為樂為令役者不亦難乎夫推牛醺酒豐犒而休養
之非欲以醉飽為德所以增士氣也未敬識其語再加
通議大夫卒年八十一凡篤於風義推父遺恩官從兄
己得任子必先兄弟子之孤者其議樂律最善以為律
主於人聲不以尺度求合古今異事聲亦隨變猶以古
冠服加于今人安得而稱儒者泥古致詳於形名度數
間而不知清濁輕重之用故求於器雖合而考於聲則

不諧嘗游佛寺聞鐘聲曰聲漸而悲主者且不利是夕主僧死在保州聞角聲曰宮微而商離至秋守臣憂之及期几遇疾然所學頗雜鄭衛云

劉濤字德潤徐州彭城人後唐天成中舉進士釋褐為鳳翔掌書記拜右拾遺時太常丞史在德上章詞理鄙俗仍犯廟諱濤上言請正其罪雖不允時論是之累遷起居舍人晉天福初改司勳員外郎史館修撰歷度支職方二郎中掌左藏庫漢初宰相蘇禹珪薦為中書舍

人周廣順中坐令子監察御史頊代草誥命左遷少府
少監分司西京頊亦貶復州司戶顯德四年再知貢舉
樞密使王朴言濤取士不精命翰林學士李昉覆試黜
者七人責授太子右贊善大夫恭帝立遷右詹事濤性
剛毅不撓素與宰相范質不協常鬱鬱不得志遂退居
洛陽之清化里杜門以書史自娛太祖素知濤履行開
寶二年召赴闕以老病求退授祕書監致仕年七十二卒清
泰初中書舍人盧導受詔主文將鎖宿濤力薦薛居正以

為文章器業必至台輔導取之後果為相世稱其知人項子歲
晟子訥譚並進士及第至屯田員外郎訥為殿中侍御史
邊光範字子儀并州陽曲人父仁嗣忠武軍節度
副使光範後唐天成二年起家榆次令召為殿中
丞長興四年改太常丞晉天福初授檢校戶部
員外郎北京留守判官兼侍御史二年拜太府少卿上
書言選能吏以蘇民瘼奏入留中不出積官光祿少卿
廣晉府判官出帝即位拜右諫議大夫權知開封府事

遷給事中會蝗災遣使亳州括借軍糧稱為平允開運
元年擢知鄭州拜左散騎常侍二年入為樞密直學士
出帝以光範藩邸舊僚待遇尤厚因游宴見光範位翰
林學士下即日拜尚書禮部侍郎知制誥翰林學士仍
直樞密院漢初改檢校刑部尚書衛尉卿上言慎選良
牧立定年限以責輯綏之效疏入不報周廣順初出知
陳州遷祕書監召拜御史中丞復為禮部侍郎時禮部
侍郎於貢部或掌或否光範拜官將及秋試乃言於執

政曰他曹公事不敢辭若處文衡校閱名賢品藻優劣
非下走所能也及期辭疾不出乃以翰林學士承旨徐
台符掌之時論多其自知世宗即位改刑部侍郎權知
開封府俄遷戶部顯德五年遣使普均租稅光範詣宋
州時韓通掌禁兵領宋師修汴堤訪郡民皆言光範均
平之狀乃具以聞世宗嘉之太祖即位征澤潞命為前
軍轉運計度鄭洛汝孟懷芻糧拜太常卿時張昭為吏
部尚書朝議以其耆老令光範簽判選事建隆四年襄

州節度慕容延釗征湖南以光範權知州事路當衝會
餉饋無闕是冬郊祀召還會延釗卒復知襄州大軍數
萬由陝路討蜀出漢上光範復當供億人不知勞嘗舉
本鎮判官李檄為殿中侍御史檄後坐事除籍光範左
遷太子賓客仍知襄州五年兼橋道使朝廷遣使督治
道常六七輩一使所調發民皆數百人吏緣為姦多私
取民課所發不充數而道益不修光範計其工以州卒
代民官給器用役不淹久人以無擾詔書褒美開寶

四年復判吏部銓曹御史中丞劉溫叟卒以光範判御史臺事數月真拜中丞六年以疾解銓曹任卒年七十三光範性至孝謙退和易雅有吏幹母病疽嘗吮之景德中錄其孫易從同學究出身

劉載字德輿涿州范陽人唐盧龍節度濟之六世孫父昭下蔡令載後唐清泰中舉進士晉初解褐校書郎歷左拾遺集賢殿直學士漢初為殿中侍御史歷倉部員外郎嘗著五論曰為君為相為將去讒納諫頗為文士

所稱周世宗初擢知制誥顯德三年拜右諫議大夫遷
給事中太祖即位浚五丈河自陳橋達曹州之西境命
護其役建隆四年貝州節度使張光翰來朝遣戴權知
州事光翰歸鎮載還知貢舉乾德六年令知鎮州開寶
四年坐與何繼筠不協改山南東道行軍司馬十年不
召當受詔權點檢州事太平興國初復入為給事中三
年出知襄州六年代還告老改工部侍郎致仕乃賜一
子出身八年卒年七十一載尤好學博通史傳善屬文

嘗受詔撰明憲皇后謚冊文又作弔戰國賦萬餘言行於世雅信釋典敦尚名節子宗言至比部郎中宗望景德二年進士及第大中祥符四年其孫介以載文集來獻以為試將作主簿

程羽字冲遠深州陸澤人少好學能屬文晉天福中擢進士第授陽穀主簿歷虞鄉醴泉新都令皆有政績太祖開寶中選為兩使判官入對詢以時事數奏稱旨擢著作郎出知興州踰年改知興元府

闕

八年詔

歸闕以本官領開封府判官羽性淳厚蒞事恪謹時太宗尹京頗以長者待之及即位拜給事中知開封府未幾出知成都府為政寬簡蜀人便之入朝拜禮部侍郎太平興國五年典試貢士御試得人居多帝欲優以清職故事端明殿設學士二員居翰林學士上專備顧問馮道趙鳳始居是職累朝因之及是即殿名以羽為文
明殿學士位在樞密副使按太宗本紀太平興國五年正月改端明殿學士為文明殿學士太平興國五年三句應在拜禮部侍郎下今改六年以老疾求解職拜兵

部侍郎未幾致仕雍正元年卒年七十二贈禮部尚書
子帝振以廕至尚書虞部員外郎大中祥符元年卒其
子適賜同學究出身從孫琳別傳

欽定續通志卷三百三